

HÁSKÓLAR

ÞRIÐJUDAGUR 22. FEBRÚAR 2011 | KYNNING



Undir Grábrók, með Hraunsnef og Baulu sem bakhjarla er hið einstaka háskólasamfélag á Bifröst.

Erum inni í miðju málverki

Háskólinn á Bifröst býr yfir töfrum sem felast í fegurð umhverfisins, persónulegum kennsluaðferðum og sérstökum lífsstíl sem ótvírætt skapast í háskólaþorpi.

„Lítill skóli getur leyft sér margt sem stórir skólar geta ekki,“ segir Bryndís Hlöðversdóttir, rektor á Bifröst. Hún tekur sem dæmi hóp-vinnu með tíu til tólf manna verkefnahópum. „Ódýrasta leiðin er að fylla stóran sal af nemendum og halda fyrirlestur yfir þeim en við aðhyllumst meira skapandi kennsluaðferðir,“ segir hún og lýsir þeim nánar. „Við viljum að nemendur séu virkir í náminu með samræðum í kennslustundum. Við trúum því að það að læra í samstarfi við aðra og í gegnum raunhæf verkefni sé betri leið en ítrodsla með gamla laginu.“ Hún segir námið við skólann nátengt atvinnulífinu og því leggi hún upp úr því að fá kennara sem séu úti á akrinum til viðbótar þeim sem séu í fullu starfi á staðnum.

Grunnnáminu er lokið á tveimur og hálfu ári á Bifröst því um heilsársskóla er að ræða. Þær greinar sem þar boðið upp á eru viðskiptalögfræði, viðskiptafræði og HHS, sem er samsett úr heimspeki, hagfræði og stjórnmálafræði. Það nám á sér rætur í Bretlandi að sögn Bryndísar. „Þetta er yngsta námsbrautin okkar, það er góður hópur sem hefur útskrifast þaðan og haslað sér völl hér og þar í samfélaginu.“

Heildarfjöldi nemenda við Háskólann á Bifröst er í kringum 700. Þeir búa ekki allir á svæðinu því boðið er upp á fjarnám í viðskiptafræði og meistaranám í alþjóðaviðskiptum, einnig menningarfræðum og menningarstjórnun í samstarfi við Háskóla Íslands. „Meistaraneimarnir hittast tvisvar á önn hér og eru hér fjórar vikur yfir sumarið. Það er fjölbreyttur hópur,“ lýsir Bryndís.

Frumgreinadeild er á Bifröst fyrir fólk sem ekki hefur lokið námi til stúdentsprófs en er tilbúið að taka afganginn með stífu námi. Bryndís segir hana vinsæla hjá fólki á ýmsum aldri sem taki skrefið inn í háskóladeildirnar

þaðan. „Góður kjarni okkar nemenda er ungt fólk sem kemur beint úr framhaldsskóla,“ segir hún. „En við leggjum upp úr því að fá líka inn fólk sem er eldra. Það myndast öðruvísi umræða í tímum þar sem nemendur eru á ólíkum aldri og með fjölbætta reynslu.“

Bryndís nefnir einstaklega gott umhverfi fyrir fjölskyldur á Bifröst. „Við erum með Hjallastefnuleikskóla, notalegan grunnskóla á Varmalandi og nýjan menntaskóla í Borgarnesi. Svo er lífsstíllinn hér þannig að við erum sjálf okkur nóg um flesta hluti. Erum með ágæta verslun, góða líkamsrækt, öflugt félagslíf og kaffihús sem er hálfgerð félagsmiðstöð. Svo búum við í miðju málverki og viljum vera til fyrirmyndar í umhverfismálum.“

Bryndís tók við stjórnartaumunum á Bifröst um síðustu áramót en hefur starfað við skólann frá árinu 2005 sem deildarforseti og aðstoðarrektor. „Ég tók við sterkri arfleifð sem mér finnst skylda mín að standa vörð um,“ segir hún og er bjartsýn á framtíðina fyrir hönd skólans.

EFTIRTEKTARVERT

Bifröst er háskólaþorp sem á sér enga hliðstæðu á Íslandi.

Heildarfjöldi nemenda á Bifröst er í kringum 700. Þeir búa ekki allir á svæðinu því hluti af nemendahópnum er í fjarnámi.

Háskólinn á Bifröst leggur mikla áherslu á ögrandi verkefnavinnu og krefjandi umræður nemenda og kennara í litlum verkefnahópum.

Boðið er upp á grunnnám, meistaranám og nám í frumgreinadeild sem er undanfari háskólanáms.

Fólk lýkur grunnnámi á Bifröst á tveimur og hálfu ári því jólafrí eru stutt og sumarfrí aðeins tveir mánuðir. Því er fólk fyrr tilbúið að fara út í atvinnulífið en úr flestum öðrum háskólum.

Lífið á Bifröst er einstaklega fjölskylduvænt og býður upp á hagkvæman og heilbrigðan lífsstíl.

Virðing fyrir umhverfinu er sterk í háskólasamfélaginu á Bifröst.



Bryndís Hlöðversdóttir rektor hefur starfað við Háskólann á Bifröst frá árinu 2005 er hún hætti þingmennsku.

FRÉTTABLAÐIÐ/GVA

HÁSKÓLINN Á BIFRÖST

Tíu góðar ástæður

1. Háskólaþorpið - einstakt umhverfi
2. Kennsla - persónuleg og einstaklingsmiðuð
3. Námið - nýtir þverfagleg tengsl
4. Verkefnavinna - sjálfstæð frá byrjun
5. Sérhæfð þjálfun - strax við lok grunnnáms
6. Samheldni einkennir nemendasamfélagið
7. Svæðið er kreppufrítt
8. Sumarnám styttingar námstímann
9. Nemendum gengur vel að fá vinnu eftir nám
10. Náttúran eflir sál og líkama

Kynntu þér námsframboðið á vef skólans: www.bifrost.is



HÁSKÓLINN Á BIFRÖST
BIFRÖST UNIVERSITY

Tómstundanámskeið í gegnum tíðina

Íslendingar hafa verið duglegir að sækja ýmis tómstundanámskeið í gegnum tíðina enda hafa alls kyns námskeið verið í boði.

Í dag eru ótal mismunandi tómstundanámskeið í boði fyrir fullorðna og hefur úrvalið sjaldan verið meira en síðustu árin. Finna má námskeið innan hins hefðbundna skólakerfis, hjá félagasamtökum, einkaskólum og símenntunarstöðvum en einstaklingar hafa einnig staðið fyrir tómstundanámskeiðum á eigin vegum.

Símenntunarstöðvar fóru að líta dagsins ljós í lok síðustu aldar en árið 1997 var fyrsta símenntunarstöðin sett á laggirnar. Næstu árin fór þeim fjölgaandi og átta símenntunarstöðvar voru opnaðar víða á landinu og höfðu mikil áhrif á menntun fullorðinna.

Mun lengra er síðan Íslendingum fóru að bjóðast svokölluð tómstundanámskeið en með þeim fyrstu til að bjóða slík námskeið voru Námsflokkar Reykjavíkur, sem hafa í dag verið starfandi í 72 ár, frá árinu 1939. Námsflokkar Reykjavíkur eru

elsta fullorðinsfræðslustofnun á Íslandi en allt til ársins 1970 var próflaust frístundanámi í boði fyrir alla.

Einkaframtakið nær hins vegar enn lengra aftur. Þannig auglýsir Þórhallur Þorgilsson á Bergstaðastræti tungumálanámskeiðin sín um miðjan þriðja áratug síðustu aldar, sem verði „með líku sniði og undanfarin ár“. Námskeiðin sem hann býður upp á eru meðal annars í frönsku, spænsku og ítölsku.

Tómstundanámskeið hafa lengi verið í boði hjá félagasamtökum, svo sem kvenfélögum og ungmennafélögum. Um miðja síðustu öld voru oft auglýst námskeið í flugvélamóðelsmiði. Áfengisvarnarnefnd Hafnarfjarðar auglýsti slíkt námskeið fyrir unga menn og ungar stúlkur gátu á sama tíma sótt námskeið í því að vinna úr basti og tágum. Á svipuðum tíma fóru fram námskeið á Akureyri í ljósmyndasmíði og veggteppagerð.

Matreiðslunámskeið eru með þeim vinsælari í dag og hafa Íslendingar sótt slík námskeið í áratugi. Árið 1925 er matreiðslunámskeið á Ólafsvöllum á Skeiðum auglýst í einu dagblaðanna en kvenfélög stóðu gjarnan að matreiðslunámskeiðum. Á áttunda og níunda áratugnum breyttust þessi námskeið mikið þar sem fram-



Matreiðslunámskeið hafa verið auglýst í dagblöðum allt frá 1920.

andi matargerð fór að þykja spennandi með auknum ferðalögum landsmanna og smám fóru námskeið í ítalskri, japanskri og franskri matargerðarlist að birtast í smáauglýsingum.

Mímír-símenntun var stofnað árið 2003 og hefur staðið fyrir ótal námskeiðum síðan þá af öllum gerðum. Af annarri skemmtilegri nýbreytni má nefna að Hraðlestrarskólinn tók til starfa árið 1978 og lærðu Íslendingar þar að nýta tímann betur í starfi og námi við lestur.

Ýmis námskeið tengd tölvu- og skrif-

stofutækni, ritvinnslu, tölvureikni og slíku urðu með þeim vinsælustu á tífunda áratugnum enda nýir og tæknilegri tímar að renna upp á vinnustöðum og skólum landsmanna. Í dag eru slík námskeið enn með þeim vinsælustu. Að lokum má ekki gleyma sjálfsstyrkingarnámskeiðum, sem voru fyrst auglýst fyrir rúmlega tuttugu árum. Ekki síst vakti athygli þegar slíkt námskeið var sérstaklega auglýst fyrir karlmenn – en í heilsíðugrein í einu dagblaðanna var slíkt námskeið gert að umfjöllunarefni.

Háskóli lífs og lands

- Búvísindi
- Hestafræði
- Náttúru- og umhverfisfræði
- Skógfræði og landgræðsla
- Umhverfisskipulag

Umsóknarfrestur um skólavist er til 4. júní



Hvanneyri - 311 Borgarnes.
Sími 433 5000
www.lbhi.is



Álfheiður Sverrisdóttir er nýr formaður Nemendafélags LBHÍ.

Hef alltaf haft lúmskan áhuga á gróðri og dýralífi

„Ég hef alltaf haft lúmskan áhuga á gróðri og dýralífi þannig að ég ákvað bara að skella mér í þetta nám,“ sagði Álfheiður Sverrisdóttir, nýr formaður Nemendafélags Landbúnaðarháskóla Íslands, í stuttu spjalli. „Ég er á öðru ári í náttúru- og umhverfisfræði á línu sem kallast almenn náttúrufræði.“

Álfheiður er með stúdentspróf af málbraut frá FVA og reyndi fyrst fyrir sér í hjúkrunarfræði áður en hún ákvað að skipta um gír. Hún sagði að það hefði komið mörgum á óvart þegar hún ákvað að söðla um og nema náttúruvísindi. „Mér finnst námið alveg hrikalega skemmtilegt. Skólinn er vel búinn tækjum og tólum til allrar kennslu, sem og færur kennurum. Við fáum líka að snerta, ekki bara sjá myndir, og það finnst mér mjög mikilvægt. Við höfum til dæmis farið út að sjá það sem við lærum um í skólastofunni í grasafræði, vistfræði, jarðfræði og

dýralíffræði hryggdýra, svo eitt hvað sé nefnt. Svo skemmir náttúrulega ekki fyrir hvað það eru margir frábærir nemendur við skólann, margir hverjir með ýmsa sérþekkingu frá fyrri störfum, og maður lærir alveg helling af þeim.“

Hvað telur þú líklegt að þú gerir þegar BS-náminu lýkur? „Ég er að velta möguleikumunum fyrir mér; það er allt of margt sem mig langar til að gera. Mig langar til dæmis að fara í mastersnám, fuglafræði eða kennaranám!“

Hvernig er félagslífið? „Bara frábært! Það var það fyrsta sem ég tók eftir þegar ég byrjaði í skólanum. Ég byrjaði á vorönn, þannig að það voru farnir að myndast nokkrir vinahópar, en mér var tekið rosalega vel.“

Það er líka svo skemmtilegt hvernig allir eru vinir, eins væmið og það kann að hljóma,“ sagði Álfheiður formaður.

●Æ FLEIRI SVINDLA Í HÁSKÓLAUMSÓKNUM

Fjöldi umsækjenda sem svindla á umsóknum um háskólavist í Bretlandi hefur aukist um þriðjung á síðasta ári, segir á breska vefmiðlinum The Telegraph.

Talið er að um þrjátíu þúsund umsækjenda hafi sótt frasa beint af netinu til að setja í persónulega greinargerð sína. Þar segja nemendur frá því af hverju þeir sækja um skólann og geta um leið reynt að skera sig úr frá öðrum umsækjendum.

Til að finna svindlara hafa háskólar notað Copycatch, sem ber saman greinargerðir umsækjenda við útgefinn texta og aðrar greinargerðir sem borist hafa skólunum.

Forritið var fyrst notað 2007 og þá mældist svindlið 5 prósent. Það minnkaði í kjölfarið niður í 2,8 prósent árið 2009 en jókst á ný í 3,85 prósent í fyrra. Ástæðan fyrir þessu er stórauvin samkeppni um hvert háskólapláss.

Sem dæmi notuðu 189 umsækjendur um hönnunarnám tilvitnun frá Coco Chanel: „Fashion is not something that exists in dresses only.“

Þá skrifuðu 234 umsækjendur um læknanám að ástríða þeirra fyrir viðfangsefninu hefði kviknað þegar þeir brenndu gat á náttfötin, átta ára gamlir, með efnafræðisetti.



● EINBEITING VIÐ LESTUR

Nokkur ráð eru til að auka einbeitingu við lestur.

- Með því að læra á sama staðnum, til dæmis við skrifborð. Ekki læra á stöðum sem þú tengir við aðrar athafnir, eins og í rúminu.
- Truflun hefur að sjálfsögðu áhrif á einbeitingu. Því ætti að velja stað til lestrar þar sem ólíklegt er að lesandinn verði fyrir truflun. Sumir vilja læra við tónlist og hafa rannsóknir sýnt að bakgrunnstónlist hefur ekki áhrif á fólk ef það er að rifja upp það sem hefur áður verið lært. En tónlist er fremur truflandi þegar fólk er að lesa eitthvað í fyrsta sinn.
- Ekki er gott að lesa of lengi í einu. Gott er að miða við að lesa í 30 til 45 mínútur og taka svo hlé. Ekki er gott ef hléið varir lengur en 10 til 15 mínútur.
- Enginn einn tími dags hentar öllum jafn vel. Best er að hver og einn finni þann tíma þegar hann er hvað ferskastur og móttækilegastur fyrir nýjum hlutum. Besti tíminn til upprifjunar er þó strax eftir tíma, þegar efnið er enn í fersku minni.



Útgefandi: 365 miðlar ehf., Skaftahlíð 24, s. 512 5000
Umsjónarmaður auglýsinga: Sigríður Dagný Sigubjörnsdóttir
sigridurdagny@365.is s. 512 5462



„Fólk ætti að vita hvað það vill fá út úr lífinu og skrifa þau markmið niður,“ segir Jóhann Ingi. FRÉTTABLAÐIÐ/VALLI

Maður án sjálfstrausts er eins og tannlaus veiðihundur

Endurmenntun Háskóla Íslands býður upp á fjölda spennandi námskeiða á vorönn. Jóhann Ingi Gunnarsson sálfræðingur heldur utan um tvö þeirra.

Á vegum Endurmenntunar Háskóla Íslands á vormisseri eru um 200 námskeið í boði, þannig að flóran er mikil og allir ættu að geta fundið eitthvað við sitt hæfi. Á meðal þeirra eru tvö mjög spennandi námskeið sem Jóhann Ingi Gunnarsson sálfræðingur kennir en það eru Öflugt sjálfstraust og Árangursrík markmiðssetning. Jóhann Ingi segir sjálfstraust

og markmiðssetningu geta breytt lífi fólks. „Það er mjög mikilvægt fyrir fólk að búa yfir þeirri færni sem sjálfstraust er því án þess er manneskja eins og tannlaus veiðihundur,“ segir Jóhann Ingi.

En til allrar hamingju er hægt að kenna fólk að öðlast sjálfstraust og það gerir Jóhann Ingi. „Sjálfstraust er valkostur, það er færnin að treysta og trú á sjálfan sig, átta sig á innra tali og endurforrita sjálfan sig.“ Þar segir hann markmiðssetningu mikilvæga. „Fólk ætti að vita hvað það vill fá út úr lífinu og skrifa þau markmið niður. Það eru bein tengsl á milli markmiðssetningar og sjálfstrausts.“ Jóhann Ingi hefur lengi

kennt námskeið sín við Endurmenntun HÍ og segir ánægjulegt að hjálpa fólki að koma sér upp verkfærakistu til þess að öðlast sjálfstraust.

Nemendur eru ekki síður ánægðir með námskeiðið hjá Jóhanni Inga, því á síðasta námskeiði fékk hann umsagnir eins og: „Jóhann Ingi hefur mjög góða nærveru, hann tekur frábær dæmi úr hinu daglega lífi og er fær og æðislegur leiðbeinandi.“ Er þá ekki bara að skella sér næsta námskeið og setja sér það markmið að verða vígahundur?

Námskeið Endurmenntunar eru öllum opin, óháð menntun. endurmenntun.is



Perlur Vestfjarða verða kannaðar á námskeiði sem Heimir Hansson heldur utan um. FRÉTTABLAÐIÐ/HEIÐA

Að ferðast í skólastofu

Um þessar mundir eru fjölmargir að undirbúa sumarfrí en oft þarf ekki að halda langt til að komast á fjarlægjar slóðir. Á námskeiðum hjá Endurmenntun HÍ er hægt að ferðast í huganum með Ólafi Gíslasyni listfræðingi til Sikileyjar á Ítalíu eða fara í pílagrímsför um Jakobsveginn með Jóni Björnssyni – allt í skólastofunni. Fyrir þá sem vilja halda sig innan landsteinanna eru í boði tvö námskeið í skólastofu

unni; í öðru kannar Heimir Hansson perlur Vestfjarða og í hinu fer Magnús Jónsson, sérfræðingur í Íslendingasögunum, um slóðir sagnanna, þar sem hann heilsar meðal annars upp á Egil, Gísla og Hallgerði. Ef fólk ætlar í sumarfrí um þessar sveitir og lönd veita námskeiðin því dýpri upplifun en engu að síður má njóta þeirra þótt ekki sé stefnt á ferðalag að sinni. Nánar á endurmenntun.is.

● JARÐGERÐ, TRJÁ-RÆKT, KRYDD- OG MATJURTIR

Á vormisseri eru fjögur námskeið tengd garðyrkju á dagskrá hjá Endurmenntun HÍ en öll eru þau í umsjá sérfræðinga frá menntafélaginu Horticum. Fyrst er hagnýt jarðgerð tekin fyrir en þar er um grunnnámskeið að ræða, sérstaklega ætlað þeim sem hyggja á jarðgerð eða eru nýlega byrjaðir. Ræktun kryddjurta og matjurta í heimilisgörðum hefur aukist jafnt og þétt. Námskeið um þá iðju hafa hlotið mikið lof hjá Endurmenntun HÍ og verða því aftur á dagskrá í mars og apríl. Trjáækt á sumari húsalóðum er fjórða námskeiðið en þar verður fjallað um trjá- og runnategundir sem henta vel við ólíkar aðstæður, til dæmis rýran jarðveg og veðurálag. Nánar á endurmenntun.is



Safnaðu þekkingu

Fjölbreytt námskeið á vormisseri

Arfleifð Darwins

Börn eru klár

Bætt þjónusta, ánægðari viðskiptavinir - Að gera gott betra

Excel I - fjármál og rekstur

Ég, stjórnandinn

Ég, verkefnastjórinn

Grunnnámskeið í verkefnastjórnun

Grunnþættir reksturs og fjármála

Jesús frá Nasaret

Markviss framsögn

Microsoft Azure - David Platt

Ný skipulagslög og lög um mannvirki

Rússland og bókmenntahefðin

Sálgæsla barna og unglinga

Siðfræði heilbrigðisþjónustu; Fagmennska, siðareglur og rannsóknir

Starfsmannasamtöl og frammistöðumat

Stjórnun og leiðtogahæfni

Sykursýki - yfirlit og nýjungar í meðferð

Trumbusláttur og trylltur dans: tónlistarheimur Ghana

Val á rekstrarformi fyrir atvinnustarfsemi

Vinnustofa í samningatækni – með Florence Kennedy

Völuspá

Enn fleiri námskeið á endurmenntun.is



Nánari upplýsingar og skráning: sími 525 4444 og endurmenntun.is



VELKOMIN Í HÁSKÓLA ÍSLANDS

YFIR 400 NÁMSLEIÐIR Í BOÐI – HI.IS



HÁSKÓLANÁM OPNAR DÝR AÐ FRAMTÍÐINNI

Umsóknarfrestur um grunnnám á háskólaárinu 2011-2012 er til 5. júní 2011. Móttaka rafrænna umsókna hefst í mars 2011. Frestur til að sækja um framhaldsnám er til 15. apríl.

HÁSKÓLI ÍSLANDS
1911-2011



Fjölbreytt dagskrá fyrir börn og ungmenni verður á afmælisárinu.

Háskóli Íslands í 100 ár

Heimsóknir heimspekktra vísindamanna, málþing, fyrirlestrar, sjónvarpsþættir og bókaútgáfa eru á meðal þess sem er á dagskrá í Háskóla Íslands í tilefni af aldarafmæli skólans.

Háskóli Íslands fagnar aldarafmæli í ár en skólinn var stofnaður árið 1911. Jón Örn



Jón Örn
Guðbjartsson

Guðbjartsson, sviðsstjóri markaðs- og samskiptasviðs hjá HÍ, segir að aldarafmælinu verði fagnað allt árið og um allt land með fjölbreyttum

viðburðum sem opnir verða öllum. Jón Örn segir að öll fimm fræðasvið skólans haldi úti sérstakri dagskrá í einn mánuð hvert á afmælisárinu.

Þá sé efnt til fjölda ráðstefna, málþinga, fyrirlestra og samkoma. „Hápunktar dagskrárinnar eru hátíðarfyrirlestraröð rektors, hátíðarmálþing um áskoranir 21. aldarinnar og afmælishátíð í haust, sem og heimsóknir nokkurra heimspekktra vísindamanna,“ segir Jón Örn. Þessir vísindamenn eru Noam Chomsky, David Suzuki, Linda Darling-Hammond, Robert David Putnam og Nóbelsverðlaunahafarnir Francoise Barré-Sinoussi og Elizabeth Blackburn.

Áhersla á miðlun vísinda

Í dagskrá afmælisársins er lögð áhersla á miðlun vísinda til almennings og barna. „Háskóli unga fólksins, sem er haldinn á hverju vori hér í HÍ við miklar vinsældir, verður nú stærri og veglegri en nokkru sinni. Hann verður einnig á ferð um landið sem hluti af svokallaðri Háskólalest sem heimsækja mun fjölda staða á landsbyggðinni með fyrirlestra og námskeið. Í lestinni

verður líka Vísindavefurinn sem mætir með fjölbreytt og spennandi viðfangsefni fyrir fólk á öllum aldri,“ segir Jón Örn. Að hans sögn eru Bangaspítalinn landsfrægi, vísindasýningar og verkfræði- og tölvunarfræðidagur dæmi um liði í dagskrá afmælisársins fyrir börn og ungmenni.

„Þá verða haldin örnámskeið fyrir almenning, vefyfyrirlestrar, tjaldspjall á Austurvelli, ljósmyndasamkeppni og sýndir sjónvarpsþættir um rannsóknir kennara og nemenda skólans í Ríkissjónvarpinu, auk þess sem vegleg bók um 100 ára sögu Háskóla Íslands kemur út á árinu,“ segir Jón Örn. Hann segir stúdenta koma til með að setja mark sitt á dagskrána með fjölmörgum viðburðum, sýndarréttarhöldum laganema og ungmenningsarhátíð svo að eitthvað sé nefnt. „Loks munu nemendur í hagnýtri menningarmiðlun setja upp sýningu um aldarsögu háskólans.“


Með fróðleik í nesti

Háskóli Íslands og Ferðafélag Íslands hafa ákveðið að taka höndum saman og standa fyrir reglulegum gönguferðum í tilefni af aldarafmæli Háskóla Íslands.

„Reynsla og þekking leiðsögunna Ferðafélagsins og þekking kennara og vísindamanna háskólans blandast saman í áhugaverðum gönguferðum um höfuðborgarsvæðið og næsta nágrenni þess,“ segir Jón Örn Guðbjartsson. Hann segir að gönguferðirnar verði léttar, skemmtilegar og fræðandi og taki hver um sig tvær klukkustundir.

„Markmið samstarfsins er að færa almenningi afmælisgjöf sem felst í fræðslu og hollri útiivist. Um leið er vakinn athygli og áhugi á fjölbreyttri starfsemi Háskóla Íslands og Ferðafélags Íslands,“ segir Jón Örn.

Í síðustu göngu var fjölmenni en þá leiddi Pétur Ármannsson arkitekt hópinn og fræddi um byggingarsögu Guðjóns Samúelssonar húsameistara ríkisins og hugmyndir hans um „háborg ís-



Gönguferðirnar eru afmælisgjöf til almennings í formi fræðslu og hollrar útiveru.

lenskrar menningar“ sem átti að rísa á Skólavörðuholti.

„Næsta ganga er 12. mars en þá mun Laufey Steingrimsdóttir, prófessor á Rannsóknastofu í næringarfræði á Landspítala og við Matvæla- og næringarfræðideild Háskóla Íslands, leiða gönguferð þar sem saga, menning og matur er meginefnið. Gengið verður um gamla grænmetisgarða, stakkestæði, veitingastaði og verslanir liðins tíma.“

● BÍÓ Í FIMMTÍU ÁR

Háskólabíó fagnar fimmtíu ára afmæli nú á aldarafmæli Háskóla Íslands. Af því tilefni verða endursýndar valdar myndir úr safni kvikmyndahússins sem margar hafa ekki sést á hvíta tjaldinu árum saman. Myndirnar verða sýndar á mánuðögum, í anda mánuðagsmyndanna sem Háskólabíó var þekkt fyrir á árum áður. Kvikmyndirnar verða einungis sýndar í tilefni tímamóta Háskólabíós og Háskóla Íslands.

„Barna kennir ýmissa grasa og inni á milli eru mikil raritet eins og myndin sem við sýndum til að hleypa þessu skemmtilega verkefni af stokkum. Þá gáfum við fólki færi á að sjá Chinatown, rökkurmynd Romans Polanski, sem hafði ekki sést á tjaldi í áratugi hér heima,“ segir Jón Örn Guðbjartsson. Fyrirhugað sé að sýna tólf myndir fram á vor og tólf á næsta haustmisseri. Miðaverð er 300 krónur en nánari upplýsingar er að finna á www.hi.is.

EINSTAKLINGSMÍÐAÐ
NAM Í SKEMMTILEGU
UMHVERFI Á ÁSBRÚ

ORKU- OG
TÆKNISKÓLI
KEILIS

tekur aðeins

„Ég held að ungt fólk átti sig ekki
nægilega vel á því hve mikil þörf
er á fólki með hvers konar verk- og
tæknimenntun, ekki síst á sviði
hugbúnaðar-, raf- og véltækni“

Jón Steindór Valdimarsson
framkvæmdastjóri Samtaka Iðnaðarins 2010

SÉRSNIDNAR LAUSNIR
STÚDENTSÞRÓF
ER **EKKI** SKILYRÐI!

ÞRIGGJA ÁRA
HASKOLANAM
Í TÆKNIFRÆÐI

ATVINNULÍFIÐ KALLAR Á FÓLK
MEÐ TÆKNIFRÆÐIMENNTUN
Í BÓÐI ERU TVÆR TÆKNIFRÆÐILÍNUR
Í SAMSTARFI VIÐ HÁSKÓLA ÍSLANDS
ORKU- OG UMHVERFISTÆKNIFRÆÐI
OG MEKATRÓNÍK TÆKNIFRÆÐI

Meðallann tæknifræðinga
eru um 600 þúsund krónur
á mánuði skv. kjarakönnun TÍFÍ 2010

ÞRIGGJA ÁRA LEIÐ FYRIR SKAPANDI
EINSTAKLINGA YFIR Í HÁTÆKNIFRÆÐI

BS GRÁÐA FRÁ
HÁSKÓLA
ÍSLANDS
SPENNANDI NÁM
OG LIFANDI SKÓLI

TÆKNIFRÆÐINÁM

HJÁ KEILI ER LYKILL

AÐ FRAMTÍÐINI

KOMDU Í HEIMSÓKN
TIL OKKAR Á ÁSBRÚ
Á OPNUM DEGI
16. APRÍL NÆSTKOMANDI

www.keilir.net/kit

HAFÐU SAMBAND VIÐ OKKUR Á
KIT@KEILIR.NET EÐA Í SÍMA 578 4000

www.facebook.com/keilir
www.kit.is



Keilir

Miðstöð vísinda,
fræða og atvinnulífs



HÁSKÓLI ÍSLANDS



Háskólinn
á Akureyri
University
of Akureyri

VERTU VELKOMIN/N Í HÁSKÓLANN Á AKUREYRI!



HEILBRIGÐISVÍSINDASVIÐ

Á heilbrigðisvísindasviði er boðið upp á nám í tveimur deildum:

- ▶ Hjúkrunarfræði**
- ▶ Iðjuþjálfunarfræði*
- ▶ Diplómu- og meistaranám í heilbrigðisvísindum
 - M.S. í heilbrigðisvísindum
 - Diplómunám í heilbrigðisvísindum (40 einingar)

HUG- OG FÉLAGSVÍSINDASVIÐ

Í boði er nám í þremur deildum á hug- og félagsvísindasviði; félagsvísindadeild, lagadeild og kennaradeild:

- ▶ Félagsvísindi*
- ▶ Fjölmíðlafræði*
- ▶ Kennarafræði* (leik- og grunnskólastig)
- ▶ Lögfræði
- ▶ Nútímafræði*
- ▶ Sálfræði*
- ▶ Heimskaualögfræði L.L.M/M.A.
- ▶ Kennslufræði til kennsluréttinda
- ▶ Menntunarfræði
 - Diplómunám í menntunarfræðum (60 einingar)
 - M.Ed. í menntunarfræðum
 - M.A. í menntunarfræðum

VIÐSKIPTA- OG RAUNVÍSINDASVIÐ

Á viðskipta- og raunvísindasviði er boðið upp á nám í viðskiptadeild og auðlindadeild:

- ▶ Líftækni*
- ▶ Sjávarútvegsfræði*
- ▶ Náttúru- og auðlindafræði*
- ▶ Viðskiptafræði*
- ▶ M.S. í auðlindafræði
- ▶ M.S. í viðskiptafræði

*Einnig í boði í fjarnámi **Í boði í fjarnámi frá Selfossi
Engin skólagjöld, innritunargjald fyrir skólaárið kr. 45 þúsund.

www.unak.is

Umsóknarfrestur til 5. júní



Í haust var stórum áfanga í sögu Háskólans á Akureyri náð þegar nýbygging var tekin í notkun og öll kennsla fluttist á einn stað í bænum. Þá var tekið í notkun háskólatorg sem hlotið hefur nafnið Miðborg.

MYND/RAGNHILDUR ADALSTEINSDÓTTIR

Fjölbreytt nám í persónulegum háskóla

Eitt af mikilvægustu
hlutverkum Háskólans á
Akureyri er að bjóða upp
á ákveðið mótivægi við
höfuðborgarsvæðið.

„Sérstaða Háskólans á Akureyri er persónulegt námsumhverfi. Háskólinn er ekki mjög stór og tengslin sem myndast, bæði milli nemenda og kennara og einnig innan bekkja, eru persónulegri en gengur og gerist í stærri skólum,“ segir Dagmar Ýr Stefánsdóttir, forstöðumaður markaðs- og kynningarsviðs hjá Háskólanum á Akureyri.

Háskólinn var stofnaður árið 1987 og í haust var stórum áfanga í sögu hans náð þegar nýbygging var tekin í notkun og öll kennsla fluttist á einn stað í bænum. Þá var tekið í notkun háskólatorg sem hlotið hefur nafnið Miðborg og þar með er öll þjónusta fyrir nemendur og starfsfólk orðin aðgengilegri og miðlægari. Dagmar segir að eitt af mikilvægustu hlutverkum Háskólans á Akureyri sé að bjóða upp á ákveðið mótivægi við höfuðborgarsvæðið. „Það er mjög mikilvægt að fólk geti stundað háskólanám á fleiri en einum stað á landinu, ekki þurfi allir að



„Það er mjög mikilvægt að fólk geti stundað háskólanám á fleiri en einum stað á landinu,“ segir Dagmar Ýr Stefánsdóttir.

MYND/BJARNI EIRIKSSON

flytja til Reykjavíkur og eins að fólk á höfuðborgarsvæðinu hafi möguleika á að læra annars staðar. Yfir tuttugu prósent nemenda okkar koma frá höfuðborgarsvæðinu, enda þykir mörgum spennandi að geta prófað eitthvað nýtt án þess að þurfa að flytja úr landi. Stærsti hluti nemenda háskólans kemur þó af landsbyggðinni og heldur áfram að búa þar og starfa að námi loknu,“ segir Dagmar.

Háskólinn á Akureyri býður fjölbreytt námsframboð en vinsælustu námsleiðirnar eru viðskiptafræði, lögfræði, sálfræði, hjúkrunarfræði og kennaranám. Þá hefur háskólinn talsverða sérstöðu á sviði rannsókna og hvað námsframboð varðar. Þar má nefna nám í iðjuþjálfun á heilbrigðisvísindasviði og á hug- og félagsvísindasviði er boðið upp á nám í nútímafræði, félagsvísindum og fjölmíðlafræði til BA-gráðu, sem ekki er í öðrum skólum. Þá er boðið upp á nám í sjávarútvegsfræði og líftækni í auðlindadeild. Einnig er þar boðið upp á nýja námsleið í náttúru- og auðlindafræðum í samstarfi við Háskólanum á Hólum.

Nemendum býðst einnig sá valkostur að stunda fjarnám við Háskólanum á Akureyri óháð búsetu. „Við höfum verið leiðandi í því að koma slíku námi á fót hér á landi og í dag kennum við til yfir tuttugu staða á landinu. Námið fer mestmegnis fram í gegnum myndfundarbúnað og netið í samstarfi við fræðslusetur og símenntunarmiðstöðvar. Fjarnemar mæta einnig í staðbundnar lotur hér á Akureyri einu sinni til tvisvar á hverri önn,“ segir Dagmar Ýr Stefánsdóttir.

Umsagnir nemenda í Háskólanum á Akureyri



„Ég valdi Háskólanum á Akureyri af því að hann býður upp á nýja nálgun við lögfræðina. Grunnnámið er mjög alþjóðamiðað, til dæmis koma erlendir gestakennarar og möguleikarnir til skiptináms eru töluverðir. Ég fór í framhaldsnám til Oslóar og byggði á mjög góðum grunni fyrir námið sem ég fór í þar.“

Valgerður Húnbogadóttir, þjóðréttarfræðingur og meistaranemi í lögfræði.



„Sjávarútvegsfræði er þverfaglegt nám sem gefur möguleika á fjölbreyttu meistaranámi. Þú færð víðtæka þekkingu á sviði sjávarútvegs, raunvísinda og viðskipta.“

Gústaf Línberg Kristjánsson, nemandi í sjávarútvegsfræði.

Frelsi - Traust - Framsækni - Jafnrétti

Tilraunastofan er atvinnulífið

Dr. Haukur Ingi og dr. Helgi Þór hafa um árabil kennt verkefnastjórnun í samstarfi við Háskóla Íslands, auk þess að hafa skrifað fjölda greina og haldið fyrirlestra um efnið bæði hérlandis og erlendis. Áhersla er lögð á tengingu við atvinnulífið, en skemmst er að minnast setu Helga Þórs í forstjórastóli Orkuveitunnar. Hann segir að hver sem kenni verkefnastjórnun þurfi nán tengsl við atvinnulífið, eigi hann að halda trúverðugleika sínum í kennslustofunni.

Á undanförnum árum hefur samstarf þeirra Hauks Inga Jónassonar og Helga Þórs Ingasonar vakið þó nokkra athygli, bæði innan akademíunnar sem og í atvinnulífinu. Þetta er ekki síst til komið vegna ólíks bakgrunns þeirra. Haukur nam guðfræði og hefur unnið mikið á sviði klínískra meðferða, er skilgreindi húmanistinn í dúettinum eins og hann orðar það sjálfur. Helgi kemur hins vegar úr iðn- og véla-verkfræðinni, þaðan sem hann útskrifaðist með doktorspróf með áherslu á framleiðsluferli í stóriðju. Það svið sem leiddi þá á endanum saman var hins vegar hvorki Guð né vélar.

„Við erum að fást við kennslu og rannsóknir á sviði verkefnastjórnunar í mjög víðu samhengi, og þar skarast leiðir okkar,“ segir Helgi Þór. „Sá vettvangur sem við höfum til skoðunar er verkefnateymi, skipulagsheildir og samfélagið og hvernig má koma góðu til leiðar gegnum verkefnastjórnun með einbeittri ætlan.“

GEFA ÚT FJÓRAR BÆKUR Á ÁRINU

Afrakstur samstarfsins er margþættur. Rannsóknir þeirra og niðurstöður hafa birst í fagtímaritum og erindin á ráðstefnum eru orðin æði mörg, en saman hafa þeir kennt verkefnastjórnun, leiðtogaþjálfun, gæðastjórnun, siðfræði og fleira í samvinnu við Háskóla Íslands.

„Við höfum hingað til kennt þetta í tveimur námsleiðum: Verkefnastjórnun og leiðtogaþjálfun sem hefur verið í samstarfi við endurmenntun Háskóla Íslands, og meistaranám í verkefnastjórnun, eða MPM (Master of Project Management) sem kennt hefur verið í samstarfi við verkfræðideild Háskóla Íslands,“ segir Haukur Ingi. „Í tengslum við þetta höfum við verið að sinna rannsóknum og gera okkur gildandi á þessu sviði á þeim vettvangi sem best hefur hentað til að koma niðurstöðum okkar á framfæri. Þar að auki höfum við verið að skrifa saman bækur, en von er á fjórum bókum á



Verkefnastjórnun er tiltölulega ungt fag hérlandis. Helgi og Haukur hafa kennt hana í samstarfi við HÍ frá árinu 2004 og hefur námið ávallt verið vel sótt og færri komist að en vilja, jafnvel eftir efnahagshrunið.

FRETTABLAÐIÐ/GVA

þessu ári á íslensku frá JPV útgáfunni, auk þess sem við erum að vinna bækur um siðfræði verkefnastjórnunar og bakhjarla fyrir útgefanda í Bretlandi.“

Bækurnar fjalla um verkefnastjórnun í víðu samhengi, allt frá leiðtogaþjálfun til verkefnastjórnunar til teymisvinnu, samskipta innan teymanna, skipulagsheildina sem verkefnin eru unnin innan og hvernig ná megri markvisst árangri í þeim verkefnum sem unnið er að.

„Við erum báðir uppteknir menn og vinnum mikið saman gegnum tölvupóst og bréfasamskipti þegar kemur að bókunum,“ segir Helgi. „En alltaf þegar við hittumst verða skemmtileg skoðanaskipti og við eigum það til að ögra hvor öðrum, sem gerir samband okkar að frjórri deiglu.“

ATVINNULÍFIÐ OG AKADEMÍAN

Helgi Þór settist nýverið í stól forstjóra Orkuveitunnar, þar sem hann var ráðinn tímabundið til að gera „[...] umfangsmiklar breytingar í áherslum, rekstri og stjórnun,“

eins og segir í fundargerð stjórnar Orkuveitunnar frá 17. ágúst síðastliðnum.

„Fyrir okkur sem sinnum fræðistörfum og ráðgjöf á sviði stjórnunarfræði er tilraunastofa okkar atvinnulífið,“ segir Helgi Þór. „Það er enginn trúverðugur í kennslustofunni nema hafa prófað að vera úti í atvinnulífinu og vera vel tengdur þangað inn. Það er því mikið fagnaðarefni að fá tækifæri til þess að taka að sér verkefni í atvinnulífinu. Það er mjög kvikt og sumpart þróast það á undan og hraðar en háskólaumhverfið þannig að við lærum mikið af því að sjá hvað er að gerast í atvinnulífinu, og auðvitað öfugt líka.“

STJÓRNENDUR VANTAR ÞEKkingu

Verkefnastjórnun er tiltölulega ungt fag hérlandis. Sjálfir hafa Helgi og Haukur kennt hana í samstarfi við HÍ frá árinu 2004 og hafa námslínurnar sem þeir hafa veitt forstöðu ávallt verið vel sóttar og færri komist að en vilja, jafnvel eftir efnahagshrunið.

„Það er mikil þörf á því að þjálfa og

fræða fólk um verkefnastjórnun. Við höfum náð miklum árangri á því sviði og nú er svo komið að stórir hópar fólks kunna mjög mikið fyrir sér í faginu,“ segir Haukur Ingi. „Það sem vantar hins vegar er að þjálfa lagið fyrir ofan verkefnastjórnunina. Þá sem sitja við stjórnarborðið. Þetta var fólkið sem við vildum sjá í náminu hjá okkur, því til þess að geta gegnt hlutverki stjórnandans þarf að hafa bakgrunn og þekkingu á sviði verkefnastjórnunar, um verkefnastofna og verkefnastofur, og það er ekki alltaf til staðar. Þó svo að verkefnastjórninn hafi mikla og góða menntun og þekkingu má hann sín lítils ef hann mætir ekki skilningi fyrir ofan sig. Þetta tel ég helstu ástæðu þess að verkefni fara úrskaiðis. Verkefnin eru þá ekki unnin í sátt og samlyndi við umhverfið, ef til vill er enginn í fyrirtækinu sem fylgist með eða tekur ákvarðanir og það endar einfaldlega með því að ekki er verið að vinna réttu verkin – það hefur alltaf einkennt nálgun okkar að við leggjum ríka áherslu á ábyrgð, siðfræði og sjálfbæra uppbyggingu.“

Er stjórnsýslan fallin með einkunnina 1,2?

Nemendur Helga og Hauks hafa kannað ferla verkefnastjórnunar víða, meðal annars innan leikhúsanna og stjórnsýslu ráðuneytanna. Niðurstöðurnar eru áhuga-verðar.

„Við skilgreindum átta til tíu meginþætti sem eru grundvallandi árangursþættir þegar kemur að því hvort verkefni hafi heppnast eða ekki, til dæmis hvort verkefni hafi verið unnið innan tímaramma og innan kostnaðarmarka, hvort það er vel skilgreint, og svo framvegis,“ útskýrir Haukur Ingi. „Þessum þáttum er svo gefið skor á skalanum einum til fimm.“

Að sögn Helga kom í ljós að stjórnunarhættir innan leikhópa voru gjörólíkir því sem tíðkast innan annarra greina. „Þetta er mjög áhugavert að skoða. Augljóslega er verkefnum skilað á tíma og innan einhvers fjármagnsramma, en ekki eftir þeim ferlum sem við vinnum eftir,“ segir Helgi Þór.

„Þarna virðist ákvarðanatökan fara fram á annan hátt, sem gaman væri að rannsaka.“

Í gegnum rannsóknir nemenda sinna fengu Helgi og Haukur einnig innsýn í verkefnastjórnun innan ráðuneytanna.

„Þegar farið var eftir einn til fimm skalanum kom í ljós að stjórnsýslan var að skora á bilinu 1,2 til 1,3,“ segir Haukur. „Þarna er því mjög mikið pláss eftir innan stjórnsýslunnar til að bæta ferlana og gæði verkefnastjórnunarinnar. Þar að auki, ef við lítum til framtíðar, er Evrópusambandið að keyra meira og minna öll sín prógrömm eftir verkefnastjórnunarlegum forskriftum. Það er því mikil eftirspurn eftir okkar fólki, og verður inn í framtíðina. Við sjáum það líka þegar við berum okkur saman við það sem er að gerast erlendis að við erum í fylkingarbrjósti á sviðinu, svo að eftirspurnin á bara eftir að aukast.“



Nemendur Helga og Hauks hafa kannað ferla verkefnastjórnunar víða. Í gegnum rannsóknir nemenda sinna fengu þeir einnig innsýn í verkefnastjórnun innan ráðuneytanna.

Saman látum við hjólin snúast

Háskólanám er góð fjárfesting. Í Háskólanum í Reykjavík leggjum við áherslu á að skapa og miðla þekkingu í greinum þar sem stærstu tækifæri framtíðarinnar liggja í tækni, viðskiptum og lögum.

Tveir af hverjum þremur sem útskrifast úr háskólanámi í tæknigreinum koma nú frá Háskólanum í Reykjavík og um helmingur laga- og viðskiptamenntaðra. Við erum því mikilvæg driffjöður í gangverki samfélagsins.

UMSÓKNARFRESTUR:

- Grunnnáms er til 5. júní
- Framhaldsnáms er til 15. apríl og 5. júní

Kynntu þér námið á www.hr.is



HÁSKÓLINN Í REYKJAVÍK
SAMAN LÁTUM VIÐ HJÓLIN SNÚAST

HR hefur allt sem þarf til að prýða góðan skóla

Öflugt félagslíf, fyrirmyndar-
aðstaða, gott námsframboð
og kennsla eru helstu kostir
Háskólans í Reykjavík, segir
Magnús Júlíusson, formaður
stúdentafélags skólans og
nemi í hátæknifræði.

Magnús Júlíusson, formaður Stúdentafélags Háskólans í Reykjavík, segir skilið við skólann þegar hann útskrifast úr hátæknifræði í vor. Hann segist ánægður með veruna í skólanum og þakkar það bæði góðu námsframboði og fyrirmyndarkennslu.

„Gott nám og öflug kennsla skipta auðvitað öllu máli og tengsl við atvinnulífið sömuleiðis. Hér eru rannsóknir stundaðar sem tengjast atvinnulífinu, mörg verk efni fyrir stór fyrirtæki á borð við Össur og CCP og hingað koma stundakennarar úr öllum stigum þjóðfélagsins og miðla af reynslu sinni af atvinnumarkaðnum,“ segir hann og getur þess að Háskólinn í Reykjavík hafi að auki yfir sér skemmtilegan alþjóðlegan blæ. „Gríðarlegur fjöldi skiptinema stundar nám við skólann og svo er góð tenging við aðra skóla í heiminum.“

Háskólinn í Reykjavík flutti í nýtt húsnæði í Nauthólsvík í ársbyrjun 2010. Magnús kveðst vera afar ánægður með húsakynnin, þegar út í það er spurt. „Aðstaðan er öll til fyrirmyndar og nýttist nemendum vel; kennslustofurnar eru mjög góðar, ný tæki og flottar tilraunastofur til verklegrar kennslu og dómsalir þar sem lögfræðinemar geta æft málflutning,“ segir hann og bætir við að einn helsti kosturinn við nýbygginguna sé líka sá að öll skólastarfsemi sé nú komin á einn stað.

„Áður vorum við á víð og dreif, en flutningarnir hafa stuðlað að meiri tengingu milli nemenda og aukið möguleika á þverfaglegri kennslu, þannig að meiri



Magnús Júlíusson, formaður Stúdentafélags Háskólans í Reykjavík, segir námsframboð og kennslu við skólann til fyrirmyndar.

FRÉTTABLAÐIÐ/GVA

háskólabragur hefur myndast og mjög góður andi, HR-andi, ríkir í húsinu. Það tók svolíttinn tíma að ná honum eftir flutningana en það náðist og hann hefur aldrei verið betri.“

En hvernig er félagslífið við skólann? „Það er mjög virkt. Stúdentafélagið, sem starfar fyrst og fremst sem hagsmunafélag allra nemenda skólans, heldur utan um alls kyns starfsemi og stendur fyrir fjölmörgum skemmtilegum og vel sóttum viðburðum á hverju skólaári.“ Magnús nefnir nokkur dæmi um viðburði á vegum Stúdentafélagsins. „Við

erum með sameiginlega árshátíð, jólaball, grímuball og aðrar uppákomur, nýnemaútilegu í ágúst sem öllum nemendum er boðið í og Ólympíuleika þar sem deildir keppa sín á milli í fótbolta, körfubolta og skotbolta og fleiri íþróttagreinum. Þess utan starfa nemendafélög í hverri deild innan skólans sem standa fyrir föstum viðburðum. Einnig eru alls konar klúbbar starfræktir, hlaupa-, fótbolta-, sjósunds- og spilaklúbbar svo fátt eitt sé talið, enda er metnaður lagður í að hafa félagslífið þannig að það höfði til sem flestra nemenda.“

Veita alþjóðleg tækifæri

Alþjóðadagur Háskólans í Reykjavík fer fram í dag, en þá gefst nemendum við skólann og ungu fólki færi á að kynna sér skiptinám erlendis. Margrét Jónsdóttir veitir alþjóðaskrifstofu Háskólans í Reykjavík forstöðu og veit allt um málið.

„Háskólinn í Reykjavík er alþjóðlegur háskóli og við leggjum mikið upp úr því að allir nemar skólans skapi sér alþjóðlega sérstöðu og færni; geti farið út í skiptinám, tekið námskeið á ensku eða unnið erlendis yfir sumartímann,“ útskýrir hún og segir með þessu reynt að koma til móts við kröfur vinnumarkaðarins.

„Evrópsk rannsókn sýnir að fjörutíu prósent atvinnurekanda krefjast eða vilja að starfsmenn sem þeir ráða til starfa búi yfir

alþjóðlegri færni. Áður urðum við ósjálfrátt heimsborgarar við það að fara í háskólanám til útlanda en nú fara sífellt fleiri í masters- og doktorsnám á Íslandi. Þess vegna hefur aldrei verið eins mikilvægt og nú að halda alþjóðlegum tækifærum að nemendum.“ Það segir hún gert á Alþjóðadegi Háskólans í Reykjavík.

„Ungt fólk fær þarna einstaka innsýn í skiptinám erlendis því þarna mæta fyrrverandi og núverandi skiptinemar, erlendir skiptinemar við skólann og fulltrúar frá AISEC, Alþjóðaskrifstofu háskólastigsins, Evrópu unga fólksins og nokkrum erlendum sendiráðum og kynna sína starfsemi,“ útskýrir Margrét og segir viðburðinn njóta vaxandi vinsælda. „Viðtökurnar eru góðar og verða sífellt betri.“



Margrét Jónsdóttir segir Háskólinn í Reykjavík leggja mikið upp úr að nemendum öðlist alþjóðlega sérstöðu og færni.

FRÉTTABLAÐIÐ/GVA